

**DE SANCTO
FRANCISCO ASSISIATE
ORATIO AD
SANCTISSIMUM
DOMINUM NOSTRUM...**

Giuseppe Aluigi



THE POLITICAL ECONOMY OF THE

UNITED STATES OF AMERICA

BY J. M. SMITH

OF THE UNIVERSITY OF CHICAGO

CHICAGO: THE UNIVERSITY OF CHICAGO PRESS

1900

☿ ☿ (III) ☿ ☿

SANCTISSIMO DOMINO NOSTRO

CLEMENTI XIV.
PONTIFICI MAXIMO

JOSEPHUS ALUIGIUS
FELICITATEM.



Ogitanti mihi , atque eorum
memoriam animo repetenti ,
quae FRANCISCUS Majorum
nostrorum aetate gesserit , & quan-
tum praeclaris virtutum exemplis non tam
remotas , proximasque Regionēs , quam
hanc ipsam Urbem , patriamque meam
illustrarit , saepe cupido animum inces-
sit , quem Patriae Parentem agnoscerem ,
Eum aliquo laudationis genere profequen-
di , quod & a meis studiis non abhorreret , &
tanti Viri dignitatem tueretur . Sed quam

A 2

pro-

provinciam ingenii tenuitate, & rei magnitudine, atque adeo timore aliquo, ne oneri ferendo impar essem, nondum susceperam, hanc ultro oblatam detrectare non posse me sensi, quin aut parum constantis, aut nimium meticulosi nota inurerer. Ad quem autem adire me oportuit magis, aut cui potius lucubrationem hanc meam decuit noncupari, quam Tibi, P. M., cum in vulgus exiret, atque in manus hominum studiosorum? Nam cum haec de Summi, ac Sanctissimi Viri singulari virtute loqueretur, quem Tui, tuaeque Franciscanae Familiae Patrem agnoscis, ac reuereris, & cujus exempla miro pietatis studio es semper imitatus, Tibi debebatur profecto, PATER BEATISSIME. Quamquam non tantum ratione argumenti ad Te pertinebat, quantum quod mei partus ingenii esset, qui primos, qui postremos labores meos, vitamque meam omnem Tibi secundum Deum, cujus Vicariam in nos Potestatem exerces, dedicatam

catam velim. Etenim cum totum me Tibi debeam jam inde ex tempore, cum in tuo aere esse coepi, cumque sum in Tuam clientelam receptus, ingratus merito videar, si occasionem ullam finam praeterire, quin observantiam in Te meam aliquo testatam relinquam monumento. Qui autem possim non singularis beneficii loco statuere potuisse me inter lectissimum Tuorum Cubiculariorum Ordinem cooptari, & gratia, & patrocinio frui non solum ejus, qui Princeps sit Ecclesiae Catholicae universae (quod certe maximum per se est) verum is sit, quem virtus cumularit omni genere laudum, atque ornamentorum; & cui eadem pararit expeditam ad summos omnes honores sine ulla offensione viam? Quas Tuas virtutes eo narrare, & commemorare mitto, quod cum illustres sunt, & singulares, tum in omnium obversantur oculis, & non in totius Italiae, atque Europae modo, sed exterarum etiam Provinciarum auribus quoti-

die personant. Equidem haec consideranti nonnunquam venit in mentem vereri, ut hac aetate possim aliquid in medium afferre, Tua non indignum quod sit amplitudine, & dignitate. Sed praeter quam quod opprimi onere officii satius est, quam propter imbecillitatem animi deficere; illud quoque me recreat, ac reficit, ab exiguis hominibus nonnisi mediocria esse expectanda, tum vero esse maximis in rebus conatum ipsum aliquid in laude ponendum. Ceterum quale tandem cumque futurum sit aliorum iudicium, haud moror, eum satis, superque foveat se lucubratio haec; semel atque Nomini commendatam Tuò prodire in vulgus patiari. Quo certe ad beneficia Tua maxima non levem factam in me officiorum accessionem & sentio, & profiteor.

Laudemus Parentes nostros in generatione sua. Eccl. 44.

ORA-



UM multae, & praeclarae virtutes, Auditores Amplissimi, Christiano homine dignae, tum vero nulla nec illustrior, nec major Charitate est, quae omnium quasi Regina ceteris antecellere dignitate, atque amplitudine, & faciem veluti praeferre videatur. Hanc enim summis laudibus extulit (1) Joannes Evangelista; de hac nobile admodum, magni-

ficumque praeconium (2) Paulus Apostolus literis consignatum reliquit; haec tandem (3) Salvatori nostro adeo cordi fuit, ut huic primas, huic secundas, huic tertias concedere non dubitaverit; perinde quasi huic uni lex tota veluti fundamento niteretur. Quae cum ita sint, quivis sane intelligit, quanto haec reliquis praestat virtutibus, tanto eum, qui illa praeditus sit, ceteris antecellere. Quare cum hodie apud Vos de FRANCISCO verba facturus sim, non alio certe utendum putavi laudationis genere; ratus me tanto Conventu Hominum, ac frequentia magis dignum, & vestrae expectationi, & FRANCISCI laudibus magis consentaneum nihil asserere posse, quam si vobis eximium hunc Virum, ac singularem exhibeam miro, ac vehementi studio hujusce virtutis incensum. Quoniam autem haec virtus res praecipue respicere videtur duas, Deum, & Homines, luce clarius videbitis utraque ita excelluisse, ut multi ab eo superati sint, antecesserit si rasset nemo.

Ac primo ipsum scimus crebris solitum fuisse usurpare sermonibus aurea illa Apostoli Pauli verba: *Si linguis loquar hominum, & Angelorum, charitatem autem non habeam, factus sum velut aes sonans, aut cymbalum tinniens.* Insidebat quippe in homine cupido quaedam,

(1) S. Hieronymus de Scrip'toribus Ecclesiasticis. (2) Paul. ad Corinth. ep. 1. c. 13. & 14. (3) Marc. 12. 29. ad 31.; Matth. c. 23. 27. ad 40.; Paul. ad Rom. 17. 10.

quaedam, quae animum noctes, & dies concitabat, atque admon-
nebat, nihil prius animarum salute esse debere; eas quocumque la-
nore quaeri, & etiam, si ita opus esset, vitae impendio compa-
rari oportere. Hinc tanto animi dolore sordes animarum pro-
sequabatur, & scelera, quas purissimo Christi Sanguine imbutas scie-
bat iussisse; ut maximam, quotidie haec secum reputans, vim effun-
deret lacrymarum. Hinc Sacros Ecclesiae Ministros colebat, ac re-
verebatur animo, quod Daemonis servitute mancipatas (1) in li-
bertatem gloriae Filiorum Dei vindicarent, Negabat enim eorum
munere sacrificium Deo acceptius esse ullum, praesertim si studio
charitatis niteretur. Tantum vero animo hauriebat laetitiae pro
earum salute restituta, quantum, ut dixi, de earumdem exitio an-
gebatur, deque malo exemplo, quo pestem norat ad illarum per-
niciem capitaliorem esse nullam. Itaque ad animarum salutem cum
omne studium conferebat, tum ad eas aut a peccato deterrendas,
aut ad Deum convertendas incumbere non verbis solum, sed etiam
exemplo, quod est omnium efficacissimum ad virtutem incitamen-
tum. Quod ut melius praestaret, suos ita mores ad Christi exem-
plar conformandos curavit, ut non tantum quae legis divinae es-
sent, exequeretur; sed perfectiorem quoque illam vitae rationem
inierit, quae consilii Evangelii conformis esset, & consentanea. Re-
bus itaque omnibus abdicatis, nonnullos eligit sibi Viros, religio-
sam vitam qui ducerent, unde praeclarae Franciscanae Familiae
prima ducta origo est; brevique est affectus, quod animo inten-
debat, ut quam ipse tradiderat certis sub legibus vivendi discipli-
nam, eidem innumeri nomen darent, & longe, lateque per Orbem
propagata sit. Id enim habet virtus, ut statim incurrat in oculos,
quemadmodum agebat Plato, & cum mirabiles amores exciteret sui,
tum alios sua venustate alliciat ad imitandum. Multi tunc, qui a
recto virtutis itinere cum deflexissent in suam perniciem ruebant, in
bonam frugem revocati; multi, laqueis disruptis, Daemonum ser-
vilitate liberati; similitudines fugatae, odia resincta, fraudes dejectae,
vitiolorum turba depulsa, virtutes denique omnes, quae consistere
amplius non posse videbantur, restitutae, & Catholicae Ecclesiae
bonum, & pax, & mira quaedam felicitas illata.

Id nempe fuerat in antecessum divinitus demonstratum IN-
NOCENTIO III., qui tum Romae Sacris, & Divinis praeerat,
cum per nocturnam speciem visus est FRANCISCUS dormien-
ti Pontifici Lateranas Aedes fatiscientes, collabentesque suis hu-
meris sustentare. Quo monstro duo simul Ecclesiae portende-
bantur, ut re demonstratum est; Christianam Rempublicam immi-
nenti

(1) Paul. ad Rom. c. 8. 21.

neati quodam, ut tunc erant tempora, excidio rigituram fuisse, nisi aliquis ruenti aedificio suppetias tulisset; & rursus eandem, praesentis auxilio divinitus percommode misso, incontinenter restitutum iri. Nec solum dum in vivis egit, profuit hominibus, FRANCISCUS factus omnibus omnia, omnes ut Christo. lucrificeret; sed etiam postquam vita functus naturae concessit, maxima ab eo in nos permanat utilitas, quae tamdiu vigeat, donec leges permanebunt a SSimo. Virolatae, aut ab eo instituta vivendi ratio, aut ejus Filii, aut Coenobia, aut Urbes, & Provinciae, & Regna, ubi sedes suas ejus Familia florentissima collocavit. Et quoniam ad hunc locum pervenit oratio, quis neget, quaecumque in praesentia habemus a CLEMENTE XIV. P. M. bona, ea uni FRANCISCO accepta referenda esse? Etenim si (quod vere a Spiritu Sancto dictum accepimus) (1) *Gloria Patris est Pilius-Sapiens*, maxima erit nobis FRANCISCO habenda gratia, quod suae Alumnus disciplinae iis imbuerit praeceptis, insinuisque, ut difficillimo tempore summa omnium consensione, summoque Ecclesiae bono Pontifex renuntiatus tanto ferendo oneri par esset, quantum cura affert Christianae-Reipublicae universae; & eam praestaret in rerum summa administranda auctoritatem, prudentiam, sapientiam, quae & Sibi laudi esset, & Ecclesiae decori, & Populi utilitati, & suae Religioni ornamento; Et nobis vere maximos illos viros Adrianos, Pios, Innocentios, Benedictos referret, quorum gloria in celebritate versatur omnium Gentium.

Sed ut eo revertar, unde parumper deflexit oratio, licet multa praebuerit nobis, dum vixit, charitatis indicia luculentissima, eo tamen luculentiora fuerunt, quo propius ad mortem accedebat; nullis enim videbatur contineri limitibus posse, qui semper ad summum culmen, & fastigium excitabatur rerum maximarum. Et certe nemo inficias ire potest, ubi majus discrimen subest, ibi majorem esse charitatem oportere; maximam vero, ubi periculum adeo grave sit, & vehemens, ut non possit nonnisi maxima virtute superari. Hinc cum vitae discrimen sit omnium gravissimum, comperitum est (2) Joanne ipso Apostolo docente, majorem charitatem habere neminem, quam qui se, suamque vitam pro Amicorum suorum salute, atque incolumitate devoteat. Sed FRANCISCO, cui peccatus incenso charitatis studio flagrabat, ne hoc quidem defuit virtutis argumentum. Namque saepius Martyrii subeundi causa novus Evangelii praeco (3) ad longinquas regiones discessit, & modo Syriam coritavit, modo ad Marochii Regna se contulit, modo Babylonem usque perrexit, quo nationes illas uti multitudine innumerabiles, ita immanitate barbaras, Christi Fidem edoceret, corpusque

(1) Prov. 10. (2) Jo: cap. 15. 13. (3) S. Bonav. in vita.

corpusque suum (quod necesse omnino erat) immolandum carni-
fici daret. Cujus voti factus utique compos fuisset, nisi aut primo
Syriam versus navigantem ad aliud litus eum tempestas, & venti ap-
pulsissent, aut jam ad Hispanias profecto repentinus morbus consi-
lium medio in cursu interemisset, aut semper contraria aliqua caus-
sa eam ipsi coronam ademisset, quam jamdiu animo, atque opinio-
ne praeceperat. Quod maxime ostensum est interim, dum in Asiam
proficisceretur, ubi licet omnia arderent armis, & bellorum tumultu
personarent, & omnia plena periculorum essent; & licet Re-
gem allocutus suam illi fidem exprobrasset, morusque contra se ar-
ma irritasset, nemo tamen unus hominem vel leviter offendit; ut
eo certe tempore carnificis gladius videatur Martyri defuisse, non
moriendi libido. Hunc igitur Virum non laudem, non celebrem,
non omni gloria cumulandum putem, qui Martyribus ipsis vir-
tute animi antecelluisse quodammodo videatur? Et certe pro quo-
quam mortem subire ita magnum arguit amorem, ut majorem non
possit; sed pluries mortis obeundae pericula adire, longinquas pe-
grinationes, periculosasque navigationes suscipere, & se in varias
dimicationes, & in profligatorum hominum impetus objicere, eo-
rumque irritandorum occasionem aucupari, qui satis sint natura ip-
sa feroces, quin vel metus; vel vis ulla hominem possit a proposito
detertere; haec qui facit, non summis modo cum Martyribus
comparo, sed longe illis antefereendum judico. Etenim Martyres
plerumque semel interemptos unam tantum Martyrii palmam conse-
cutos accepimus, sed FRANCISCO, qui saepius mori exoptavit, sae-
pius cum hoste confictatus sit, non unae sunt certe Martyrii pal-
mae tribuendae.

Multa praetereo consulto, ne, si omnia colligam, in immensum
exerescat oratio. Tamen hic omittere nullo modo possum, FRAN-
CISCI charitatem mihi videri scalae illius simillimam, quae dormien-
ti Jacobo se praebuit videndam, per quam Angelorum alii ascen-
derent, alii descenderent. Hujusce enim veluti gradibus ita ute-
batur, modo ut ad homines demitteret sese, modo ad summum Coe-
lorum cacumen erigeretur. Nam quis unquam fuit adeo cogitatio-
ne in Coelis defixus, ut quamvis mortalis adhuc esset, tamen (1)
in patria illa beatissima versaretur? Quis a rebus humanis tam aver-
so fuit animo, ut ad eas dedignaretur vel oculos demittere, & ut
vere fateri cum FRANCISCO potuerit, foeminam se vix, aut ne vix
quidem agnoscere de facie ullam? Cuinam inter tot impotentiorum
animi motuum procellas, ac tempestates placida licuit quiete frui,
quae nec fluctuum sono, nec ventorum vi undique perstreptentium
minimum

(1) S. Paul. conversatio mea in Coelis est.

minimum turbaretur? Quotus quisque enim est, qui se corporis laqueis possit exsolvere, quibus veluti carcere, ut liberaretur, (1) Apostolus flagitabat? Id tamen videbatur jure quodam suo FRANCISCO virtuti reservatum. Quare Hominem accepimus sola Divini Amoris appellatione vehementer spiritu commoveri solitum, nec Christi charitatem secum animo reputasse unquam (incredibile autem dictum est quam crebro id faceret) quin se sensibus abriperet; quod cum saepe alias, tum vero ostendebat maxime, quando coram sanctissimo Eucharistiae Sacramento genibus obvolutus, ita magna contemplatione mentis desigebatur, ut vix hominis imaginem praeferret. Quod mirificae in Deum charitati acceptum referri debet, a qua & nomen invenit; Seraphicus enim merito & habitus, & appellatus est. Quid? Nonne rerum vel sensu, & ratione carentium aspectus ei satis erat, ut quibusdam veluti gradibus per eas ad contemplationem erigeretur ejus, qui illas fabricatus, & architectatus est? quem enim toto pectore deperibat, eum, ut amantes solent, ubique praesentem intuebatur, & omnia, quae suis observabantur oculis, Prophetae (2) vocibus compellabat, & ut Dominum, Satoremque suum magnificarent, hortabatur. Comperit enim illi erat quod tanto ante pronuntiavit (3) Apostolus, invisibilia Dei per ea, quae facta sunt, conspici.

Sed haec quamquam magna sint, atque praeclara, sunt tamen cum aliis FRANCISCO fortasse communia. Illud, quaeso, in mentem revocate, Auditores, monstrum ingens, & memorabile, quod post homines natos nullo unquam ante FRANCISCUM vidit aetas, nulla in posterum delebit oblivio. Etenim tamen haud me lateat, amoris id esse, ut amans (quo ad ejus fieri potest) illius rei naturam induat, quam amore persequitur; tamen arbitror esse non tantum rei ipsius, quam modi rationem habendam, quo id fiat, qui rudis plerumque solet esse, atque imperfectus. Verum non ita ferrum igne vehementer excandens sit ignis non absimile; non ita aquae gutta mero permixta vini refert colorem, saporemque mirum in modum, nullo ut pacto distingui, aut secerni queat; quemadmodum FRANCISCUS ingenti amoris vi induere visus est imaginem Christi penae parum, atque simillimam. Quod portento illo mirabili ostensum est, cum oranti FRANCISCO super Montem excelsum, cui Alvernise nomen, & amore insolito in Deum abrepto, videre sibi visus est Seraphinus (4) sex igneas quasi alas habens, qui hominis Crucis suffixi speciem, & imaginem referebat. Quae quidem alae de manibus, pedibusque Seraphini procedentes, dum ad totidem FRANCISCO corporis partes pertingerent, mirabili monstro factum est, ut

cas

(1) Ad Rom. cap. 7. 14. (2) Psal. 145. (3) S. Paul. ad Rom. c. 1. 20. (4) S. Bonav. in viti.

cas ita admodum barba, permoeretur, ut conideum cruenta vulnera in-
 lista, clavosque simul in utroque impressos, pede, palmaque reli-
 querit. Quae veluti in Christi indicia erant maximi amoris, quo
 fuerat homines prosequutus, ita in FRANCISCO fuisse ardentissimae
 in Deum charitatis luculentissima signa recte esse dicemus; ut hoc
 solum inter utraque vulnera discrimen, intercesserit, quod illa, Deo
 volente, Carnifices inflixerint, haec Christus ipse sub Seraphini e
 Coelo delapsi specie, nova quadam ratione inusserit; in altero cum
 amore crudelitate, in altero amore cum charitate decertant. Quae
 vero erit unquam adeo felix ingenii vena, quae ita magna scribendi,
 dicendique copia, quae, non dicam exornare, sed referre, digne
 possit ejusmodi charitatis triumphum? Illud scio tum primum licuiss-
 se FRANCISCO ea Stigmata Jesu Christi in suo corpore intuenti, cum
 Paulo dicere (1.) *Vive, ego, jam non ego, vivit vero in me Christus;*
 quoniam Christus amore illius incensus FRANCISCUM similli-
 mum sibi jussit esse, ut qui tam proxime insolito mentis ardore ad
 Christum accessisset, in corpore Christi amoris indicia praeferreret.

Gaude igitur isthoc tam insigni, atque excellenti bono, quo tan-
 tum ceteris hominibus praestas, quanto es illius similior effectus,
 a quo facile terrena, & coelestia superantur. Gaude, inquam; hoc
 enim signo vinces, & non solum Daemonum incurfus repelles, sed
 totam Inferorum turbam in nos saepe irruentem, atque excidium
 minitantem effundes, atque prostrabis. Sed inter gaudia isthaec,
 quibus in Coelorum sede beatissima frueris, in mentem veniat tibi,
 quaeso, nostrae hujus Civitatis, quae tui Patria amantissima per
 me tibi gratulatur, & hujusce diei celebritatem insolita frequentia col-
 lit, veneraturque. Parietes ipsi Templi hujus Sanctissimi gestire mi-
 hi videntur, & laetius eximiis tuis laudibus personare, quod, te vi-
 ta functo, a fundamentis erecti, gloriosissimum Corpus tuum suo ex-
 ceperint sinu, possideantque adhuc. Sed finem faciam dicendi. Vos,
 Patres Conscripti, ceterique amplissimi Cives, eam pietatem in FRAN-
 CISCUM tueamini, quam a Majoribus accepistis, eandemque ser-
 vandam religiose posteritati tradite; & quod caput est, cujus ad-
 miramini gloriam, ejus, res praeclare gestas imitemini; & quem
 olim socium, & Concivem habuimus, eo semper Patrono utamur
 benevolo, ac liberali. Dixi.

(1) Paul. ep. ad Galat. c. 2. n. 20.

